



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 26. Cæsareus cursuum publicorum supremus Moderator, necnon  
Garcillassus Vega Papæ jussu comprehensi.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

ret, rursus effecit & Hispani, qui tanti momenti Ducem Caraffis eripere fatagebant, ut eum magis suspectum redderent, literas artificiose confictas Papæ Nepotibus mittebant, quibus significabatur, quod Ascanius cum Albano Duce clandestina foveret consilia. Ergo a Papa adesse jubetur: verum suæ salutis Romæ haud satis cautum esse a Cardinale fratre suo admonitus ad Neapolitanum Regnum aufugit: inde vero magis exacerbatus Pontifex Cardinalem comprehendi, atque in arcem S. Angeli deduci, necnon utriusque fratris bona proscribi præcepit.

Sæcul. XVI.  
A.C. 1556.

§. XXVI.

*Cæsareus cursum publicorum supremus Moderator, necnon Garcillassus Vega Papæ jussu comprehensi.*

His insuper accessit alius eventus, ex quo major adhuc Papam inter, & Cæsarem, ac Philippum Regem animorum dissensio oriebatur; quippe Sarræ Marchioni mos erat, ut literas suas ad Neapolitanum Pro-Regem per Tabellarium mitteret, qui pedester Terracina iter faceret: contigit autem, ut quadam die hujus oppidi Rector observaret, quod hic Nuntius ea non deferret

*Pallav. l. 13.  
c. 17. n. 6.*

ret



Sæcul. XVI. ret insignia, quæ muneris sui tessera  
A.C. 1556. esse solent, quapropter eidem  
 quoddam negotium contra Pontificis  
 jura esse demandatum suspicatus, illum  
 comprehendi, ac Romam ad Pallianum  
 Ducem Pauli IV. Nepotem deduci jus-  
 sit, dato tamen negotio, ut nonnisi sub  
 intempestæ noctis silentio, ac tenebris,  
 necnon valido præsidio munitus urbem  
 ingrederetur. Cum primum ergo illuc per-  
 venerat, ejus pera excutiebatur, mox-  
 que reperiebatur epistola, quam Gar-  
 cillassus Vega, qui Romæ negotia Hi-  
 spaniæ Regis procurabat, arcanis notis  
 ad Albæ Ducem perscripserat: dum  
 vero occultæ hæ notæ explicabantur,  
 erat compertum, quod Garcillassus Du-  
 cem urgeret, quatenus cum exercitu  
 suo ditionem Ecclesiasticam invadere  
 haud ultra cunctaretur, eoquod Papa  
 nullas adhuc copias, quibus sese de-  
 fenderet, conduxisset: Detecto igitur  
 hoc consilio Vega comprehenditur, ac  
 custodiæ datur, unacum Joanne An-  
 tonio de Taxis, seu Tassio Cæsareo vere-  
 dariosum supremo Præfecto, qui du-  
 rius habebatur. Percepta horum ca-  
 ptivitate Cæsaris Legatus Marchio de  
 Sarria graviter indignatus, coram Papa  
 querelas suas interponere voluit: at  
 ad Palatium accedere prohibebatur.

§. XXVII.